



34.6.E.S.

32
213

PHILIPPI VALENTINI
IN VATICANO SEMINARIO
RECTORIS,
AC LVDI MAGISTRI.

ORATIO

Ibidem in Studiorum auspicijs

A MARCO ANTONIO BALESTRA BRACCHIANENSI

Eiusdem Seminarij Alumno habita.

V I. Idus Nouembris:



ROMÆ,
Typis Ludouici Grignani. M. DC. XLVIII.

SUPERIORVM PERMISSV;

THEATRI VALENTINI

IN VATICANO SEMINARIO

DE OTTORE

AC ADI MAGISTRI.

OTATIO

IN VATICANO SEMINARIO

A MAGISTRO OTTORE DE OTTORE

IN OTTORE DE OTTORE

IN OTTORE DE OTTORE



R O M A

Typis Ludovici Giganti. M.DC.XLVIII

IN OTTORE DE OTTORE

EMINENTISSIMO
AC REVERENDISSIMO DOMINO
CARDINALI
BARBERINO

VATICANAE BASILICAE ARCHIPRESBYTERO.

Philippus Valentinus F.



QUANTUMCVLAM paucis
a me noctibus lucubratam,
Eminentissime Cardinalis,
nō iam dico tibi (quid est enim
in ea, quod tanto honore dignetur?)
quam per illam consili-
um, animumque meum testari cupio, ut si quid
eius opinionis, in quam Te adducere nonnulli co-
nati sunt, me iuventuti erudiendae imparem esse,
animo fortasse Tuo insitum fuerit, vel facto pe-
riculo, penitus euellatur, vel ipse decernas, quod
Seminario expediat. Ego nunquam arbitratus
sum me scire aliquid, siquidem probe novi, quam
exiguum sit ingenium meum, imò fateor ingenuē,
quod ipsi minus syncerè inculcare subinde non

-A A O

A 2 de-

desinunt: sed illorum iudicio acquiesci, qui me,
explorata opera mea, idoneum declararunt. Ho-
rum, inquam, testimonio fretus magis, quam im-
portunis vocibus deterritus delatum mihi munus
non recusavi, nec recusabo, quoad Ampliudini
Tua, atque Illustrissimis Canonicis gratum esse
videro officium meum. Simulac præsenserō cui-
quam ex Clero, etiam infimo, serviutem meam
non probari, protectionem ornabo, Tuamque vo-
luntatem, atque Illustrissimorum Virorum ha-
bebo semper iure optimo antiquissimam. Quid
enim me aliorum dicta commoveant? Dies profectò
declarabit omnia. Meum esse video dissimula-
re, ut omnes intelligant non tam dedecere Pro-
fanum par pari referre, quam Sacerdotem ista
non negligere. Divissime Te incolumem servet
Deus.

ORAE

ORATIO



ISI apud vos diceremus, Eminentissime Princeps, ac nobilissimi Auditores, quorum singularia in nos promerita, abundè testata sunt, quàm sitis erga nos egregiè animati, profectò verendum esset nobis, ne hodierna die, in studij renascentis exordio, vel nostrà rideretur infantia, vel eius, qui nos instituit sedula nimis, atque ostentationis plena videretur industria. Quid enim inconsideratius factum dici posset, quàm nos, infantes prorsus, ac balbos, nec ipsam veritos Purpuram vndequaquè sapientiæ lumine præfulgentem, apud cruditissimos Viros, de rebus præstantissimis, hoc est de scientijs, verba facere? Quòd si quis eorum fortè nunc adsit, qui in semet nunquam descendentes, nec quod in tergo est manticæ, reuocantes in pectus, in alienis deprehendendis, carpendisque vitijs plusquam Lincei, in suis perspiciendis quouis Tiresia cæciores esse consueuerunt; is nactus occasionem, procacitati suæ maximè idoneam, per plateas, & compita, per domos, ac templa (eiusque transuersos agit nescio quis Genius malus) nostrum huiusmodi institutum cum sui similibus, eodem videlicet cæstro percitis, criminabitur. Ac detur non nihil gratiæ malevolentis; pleraquè morbo animi concedantur. An non ipsi temerè se produnt, & quod intus habent mercurium, foris linguæ petulantia palam faciunt? Similis eorum dicax videri possim, si leuissimorum hominum iniurias, quibus, varia in vulgus iactantes, mentientesq., nos quotidie lacescunt, persequi dicendo velim. Quamobrem rideant, per nos licet, carpant, detrahant, conuiciantur, grâdi supercilio, & caperata fronte metum nobis, ac terrorem incutiant: quod ipsi per se præstare, vel nequeunt, vel non audent hominum audacissimi, dent alijs, quidquid illud est negotij; quandoquidem non exigua illorum copia est, qui

suapte sponte ad malum currant; ad bonum, ne calcari quidem, concitari possint. Ex horum numero haud erit difficile subrogare, qui sua conata, non minus impudenter, quam inconsiderate perficiant. Nunquam tamen efficient, ut suo amarulento, atque importuno latratu à cursu, quem institui-
mus, reuocemur. Sed quò me rapit Sycophantarum impro-
bitas? Propè iam exciderat apud quos dicerem. Ignoscite
Patres Amplissimi, humanissimiq. si quid dedisse videmur ira-
cundiæ. Proscindi Seminarium nostrum, & audacissimo cui-
que esse perfidiæ locum, quis nostrum, siue quis bonorum
modicè ferre possit, aut tacitus? si quæ nobis obijciunt (inu-
tiles scilicet impensas, & præter abecedaria elementa, nihil
prorsus in hoc Seminario doceri, ad quod vnum, collapsis
cæteris, tanquam ad sacram anchoram confugerunt) vera
esse comperietis, prospicite, quando vestra res agitur, huic
incommodo, & nolite pati, tot sumptus perire, tot præclara
ingenia (perinde quasi præclarum quid esse possit, quod tam
perditis moribus sit inquinatū) culpa Institutoris marcescere,
& à cursu maximarū rerum retardari. Præsto est, quem pos-
sitis præficere, huic muneri, non modo parem, sed longè etiā
superiorem, qui spectatæ, singularis, atque admirabilis do-
ctrinæ Vir, non in grammaticis solum, & literis politioribus,
sed in Philosophia, Theologia, & in quouis scientiarum ge-
nere, vno, eodemque tempore, & quam breuissimo, eximia
profecto indolis, & ad maxima natos Iuvenes instituat. Noli-
te inquam pati, ut tanta rei bene gerendæ occasio vestris
per imprudentiam manibus elabatur. Sin autem ex animi
prauitate, & abundantia cordis reblocutos esse animaduer-
tistis, præclare cum ijs agitis, quod eorum calumnijs aures
non præbetis, quorum tam insignis fuit confidentia, tamq.
immodica æstimatio sui, ut sibi persuaserint vnumquemque
vestrum in suam sententiam pedibus discessurum. Sed eo,
vnde digressi sumus, reuertamur, atque ego (ut pro me pau-
ca loquar) ea conditione, ac legè in hunc suggestum ascendi,
ut, quemadmodum prudentes illi veteres, filios suos ad so-
brie-

trictatis, ac temperantia virtutes informare volentes, in eor-
 um conuiuia ebrios admittebant, vt temulentia perspecta
 deformitate, perpetuò abhorrerent à vino; sic ego sodales
 meos ad præclara studia cupiens inflammare; ab imperitia
 non tam verborum cohortatione, quod me non posse fa-
 cere scio, quam mea ipsius inscitia deterrerem, & non
 minus, ipse profuisse viderem ignorantia; quam quicquid alius
 prodesse potuisset sapientia. Sed vnde initium ducet Oratio?
 Quam ego potissimum è tanto optimarum artium numero
 mihi seligam, vt cum de vna dixerò, cæteras neglexisse non
 videar? Si de omnibus omnium expers dicere voluero; me-
 ritò sim reprehendendus, quòd vestra in me benignè audien-
 do, patientia sermonis prolixitate non minus abuti possim,
 quam verborum inconcinnitate videri. Quid igitur faciam?
 Adhibebitur à me, certa ratio, moderatioquè dicendi, vt &
 de paucis dicam singillatim, & omnes communi scientiæ vo-
 cabula comprehendens, omnibus breui oratione satisfaciam.
 Quid autem est scientia (vt hinc faciam initium) quàm cæ-
 leste quoddam bonum, Dei beneficio delatum in terras, at-
 que hominum generi, vt à cæteris differret animantibus, eius-
 dem bonorum omnium Largitoris ineffabili benignitate
 concessum? Est enim homini commune cum brutis viuere,
 sentire, moueri, quæ sunt ad vitæ conseruationem, propaga-
 tionemq. necessaria, natura duce, ac Magistra inquirere, ac
 peruestigare; fugere, ac declinare contraria. An non est
 vermibus, quemadmodum ipsi homini, voluntarius impe-
 tus, quo vtrò, citròq. feruntur, procedunt, recedunt, con-
 sistunt? At quanti est illud, in plenisque superari homines à
 brutis, ab Aquilis perspicuitate visus; à Canibus sagacitate
 odoratus, à Simijs excellentia gustus, tactu ab Araneis, ac
 Serpentibus? Præstat hominem pulchritudine Pæuo, forti-
 tudine Leo, viuacitate Cornix, pernicitate Lepus, agilitate
 Capreolus. At si sapiens sis, si præclaris artibus instructus, si
 scientia præditus, iam te à brutis exemisti; à proleterijs ho-
 minibus, atque ab imperita multitudine sciunxisti; è tenebris

emer-

emersisti ad lucem summa cum omnium admiratione, veneratonequè conspiciendus. Siquidem hominis est animum doctrinis excolere, bene de vnaquaque re sentire, ac iudicare, ea quæ sentit ornatè eloqui, atque exprimere dicendū posse; rerum principia, causas, & effecta certa quadam ratione cognoscere. Quo quid præstantius, quid admirabilius, quid omni ex parte iucundius ab immortalī Deo tribui nobis potuisset in vita? Id quia bonum est animi, reliqua corporis, ac fortunæ bona, caduca illa quidem, ac mobilia, longe antecedere dicendum est; quippe quod non interit morbo, non deflorescit ætate, non soluitur morte. Editiorem obtinuit sedem, quam ut ad illud prædonum manus pertingant; tutius asseruatur, quàm ut possit à furibus subduci; altissimis defixum radicibus, nec temporis labefactari potest iniurijs, nec dimoueri loco. Scientia non diminuitur communicata, non diuiditur diffusa, non dilabitur distributa; sed sparsa colligitur, erogata reuertitur, publicata suscipit incrementum. Voluptatem affert sine poenitentia, iucunditatem sine rubore, vtilitatem cum honestate: explet animū, oblectat mentem, perficit intellectum, totum denique hominem nobilitat, illustratq. I nunc, & diuitias confer cum scientia (cætera consultò prætereo) quæ vel industria, vel fraude comparatæ, nec custodiri sine periculo, nec possideri sine metu, nec amitti sine dolore possunt, amissæ quoque sui memoria, ac desiderio fodicant; sordidæ plerumque (præsertim illiteratæ) insatiabiles, perniciosæ, immisericordes, impiæ, solliciti plenæ timoris. Hinc Tantalus fugientia captat flumina, Midas quidquid tangit orat, ut veretur in aurum, Crassus trucidatur à Parthis, Pigmalion germanæ securus amorum, Sichæum obtruncat ad aras, Euangelicus ille Diues Mendicum prohibet à micis, Dionysius candentibus iuglandium putaminibus, quod ne suis quidem filijs satis fidat, barbaram sibi, & capillum adurit. Scientia semper honesta, nunquam non utilis, perpetuò iucunda, pauperi adiumentum, diuiti ornamentum, iuueni documentum, se-

ni oblectamentum affert. In necessitate virtutem, in aduersitate tolerantiam, in prosperitate modestiam, in omnibus decus, atque honestamentum confert. Ventura præuidet, præsentia regit, præterita meminit, sibi conscia, nullius inficia, stuporis nescia. Quam studium peperit, exercitatio nutrit, memoria custodit, honor, & gloria comitantur, plerumque ingentes diuitiæ consequuntur, quemadmodum Regum omnium non sapientissimo solum, sed opulentissimo Salomoni legimus contigisse, qui facta sibi optione, quæcumque vellet ut posceret, solam sibi dari cupijt sapientiam, solam scientiam flagitauit; quid mirum si ea quoque, quæ longe minora sunt, concessit Deus? O scientiam nunquam satis, superq. commendatam! Utinam te præditus essem, ut te possem pro dignitate laudare. Nam quis te laudet sine te? Sed ut ad peculiaria descendamus. Quid homini familiarius, imo quid magis proprium quam loqui, ac scribere? Quid absurdius, quam perperam scribere, ac loqui? Magni igitur facienda Grammatica, quæ quadripartita per Orthographiâ rectè scribendi tradit rationem, per Etymologiam discrimina casuum, & varias tum nominum, tum verborum inflexiones docet, per Syntaxim coniungit partes, ac totius Orationis fabricam absoluit, per Prosodiam, liberam, & vagam orationem certis quibusdam finibus coercet. Tam est hominis propria Grammatica, quæ congruam, & perspicuam orationem efficit, quam oratio ipsa interpret, & nuncia rerum cogitarum. Adeo antiqua, ut cum primo homine coeperit; ille enim, cum singulis sua nomina rebus imponeret, & litteras inscriberet in Columnis, grammaticam professus est primus. Adeo nobilis, ut Deus ipse digito suo præcepta legis in lapideas tabulas inscribens Grammaticam approbauerit. Adeo utilis, ut quemadmodum Grammatica linguarumque scientia, tum veritatem aliarum rerum omnium illustrat, tum rectam intelligentiam sacrarum affert literarum, ita eandem ignoratio artes omnes obscuret, & perniciosas doctrinæ cælesti tenebras offundat, ut propterea verissime scripsisse

plisse Fabius videatur, grammaticæ professionem plus habere in recessu, quam in fronte promittat. Adeo necessaria, ut Aegyptij veteres illi quidem, & grāmaticæ rudes, inconditis & mutis Hieroglyphicis, & obscuris ænigmatū ambagibus ad animi exprimenda sensa vsi fuerint, quod Grammatica carerent. Non potuissent post diuisionem linguarum diuersæ gentes, & nationes quicquam inter se commodè tractare, nisi aliqui exterarum linguarum, primo obseruatione, & vsu didicissent, postea, ut ceteri facilius perciperent, præcepta, atque artem tradidissent; Non potuissent; inquam, Biblia in græcum sermonem conuerti, nisi Hebraicæ pariter, & Græcæ linguæ periti grammatici extitissent. Adde quod sine grammatica, nec Dialecticus, nec Orator existeret, nec Philosophus naturæ arcana recluderet, nec Theologus diuina mysteria patefaceret. Hinc liquidò apparet, qui hanc artem leuem, atque inanem arbitrantur, eos rectè Iuuentutis institutioni, salutis, dignitatique Reipublicæ aduersari. Quid de Rhetorica, & Dialectica dicam Sororibus, atque administris sapientiæ? Quarum altera sapientiæ deseruit ad res cognoscendas, & certo quodam ordine tractandas; altera ad easdem res oratione illustrandas, ac populariter dicendas. Hæc palmæ, illa pugno comparatur à Zenone, quod illa inter angustias argumenti res ipsas perstringens illarum indaget veritatem: hæc nullis inclusa Cancellis, sed libero excurrans in campo de quacumque re proposita, ornate, copiosè, ac probabiliter disserat. Dialectica rerum naturas definitione inuestigat, multiplicia diuisione secernit, ex notis ad ignota argumentatione procedit: Rhetorica partium enumeratione, causarum conglobatione, antecedentium, consequentium, coniungatorum expositione, res, quæ pressè, ac summatim explicatæ minus gratæ, ac iucundæ futuræ auribus fuissent, admirabili artificio amplificat, amplificando exornat, exornando delectat, delectando, mouet, mouendo persuadet, persuadendo, vincit. Quid de Poetica existimandum? quam nobilis,

bilis, quam ad hominum vitam instituendam necessaria?
 Audi Tullium exclamantem. O. præclaram emendatricem
 vitæ Poeticam! Qua summorum Virorum, atque ipsius adeo
 Dei celebrantur Encomia. Quis explicet honores, quibus
 omnium temporum Scriptores Poeticâ iure, ac merito pro-
 secuti sunt, quantumq. in ea exornanda laborauerint, qui
 iudicio in dicendo valuerunt? An parum illud in laude, quod
 septem Græciæ Vrbes de Homeri patria contendunt? Quod
 fontem ingeniorum Virgilium in delicijs habuisse dicatur Au-
 gustus? Quod Horatio Lyrici carminis parentis, idem Augu-
 stus tantum detulerit? Quod Franciscus Primus Gallorum Rex
 Francisci Petrarchæ sepulchrum suis carminibus decorarit?
 Quod Leo eius nominis Decimus tanto in pretio Poetas ha-
 buerit? Satis hi mihi quidem videntur ad laudes Poeticæ di-
 cendas, & ab eorum contumelijs vindicandas, qui inutilem
 eam dicere non verentur, freti testimonio Platonis, qui etiâ
 Homerum eiecit e sua Republica. Verum ita scripserit Plato,
 cur verò tam crebrò eius memoriâ vsurpat in Ione? Vt si id
 sit, vel leuitatis meritò arguatur, vel peccasse memoria dicen-
 dus, quod ego in tanto Viro non ausim affirmare, sed creden-
 dum, ita sensisse Platonem, habita humanæ imbecillitatis ra-
 tione, quæ faciliè à recta semita deflectit, hoc est, quod non se-
 per ea bene uti contingit, non quod illius præstantiâ ignora-
 ret. Sed reliqua persequamur. Numquid contemnenda est
 Philosophia amor, & studium sapientiæ? Hæc vel mores tra-
 ctat, animum virtutibus imbuens, vitia perpetuò insectans;
 quid igitur utilius, aut magis necessarium? Vel rerum na-
 turas scrutatur, principia, & causas inquirendo; quid igitur,
 vel scitu dignius, vel gustatu suauius? Legem tandem ali-
 quando intueamur, Dei nunciâ, hominum Imperatricem,
 cæli donum, ac bonum terræ, præsidium, ac subsidium ar-
 tium reliquarum, naturæ vim, mentem rationemq. pruden-
 tis, iuris, atque iniuriæ regulam. Lex Cælos gubernat, ter-
 ras regit, Maria moderatur. Legi parent Reges, Imperato-
 res obtemperant, maximi Duces obediunt, ipsi etiam tar-
 tarei

tarei Spiritus subduntur . Lege qui sunt præditi lites dirimunt, discordias componunt, legationes obeunt, Prouinciâs obtinent, Regna, atque imperia administrât. Lex tuetur corpus, dum homicidia prohibet, defendit animâ, dum mala designari vetat . O donû omni magnificentia præstantius, & dignum tanto Largitore, ac bonorû omnium auctore Deo! Sed quid adhuc vos detineo in enumerandis sciētijis, quæ ipsæ per se ad sui amorem satis inflâmare possunt vnûquemq. nostrû? Hæ sunt merces, quas inuolutas euolui, vestrumq. in conspectum dedi, si velitis discescere, vt iam necesse non sit maria transmittere, & nouas adire Indias, vt inde aurû asportetis, & gemmas . In Vrbe, atq. adeo intra domesticos parietes ditari affatim poteritis. Pretium non est aliunde quærendum, penes vos est; nam scientia, nec auro, nec gratia cõparatur, nec pretio, nec largitionibus extorquetur; nec donatur à viuo, nec testamento legatur. Sudore opus est, vigilijs, lucubrationibus, lectione, scripture, meditatione . Ad sciētiarû acquisitionē accingimini, si sapitis, pro quibus Anaxagoras rura, Plato patriam, Crates aurû, Democritus oculos, Salomõn omnia spreuit, deseruitq. Pallas Iunone præstantior, Venere venustior vult vtriq. præferri . Nostis quanti referat, rectè, vel perperam iudicare. Estote Pastore Phrygio, & suis, & patriæ perniciosissimo, æquiores . Ne duci sinatis illecebra voluptatis. Sumus in biuio nostræ vitæ: videamus utrâ tutius, atque honestius iter instituere possimus! Herculem imitemur, qui si nunquam potuisset (vt tum aiebant) ad diuinitatē aspirare, nisi de lacte Iunonis degustasset, mortalis alioqui futurus: eo nō hausto; nos ad eandem immortalitatē aspiremus lacte Palladis nutriti:

Quisquis enim duos casus virtutis amore vitæ obno-
sceris; ille sibi laudemq. decusq. parabit.
At qui desidiam, luxumq. sequetur inertem;
Dum fugit oppositis incauta mente labores,
Turpis, inopsq. simul miserabile transigit æuam.

Dicebam .

